



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctèque
obeundi**

Dirckinck, Johann

Coloniæ, 1690

Praxis præparationis proximæ, ad sacrificium Missæ.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

ipse Sacerdotem, quasi Christum Filium suum dilectum, cuius personam sustinet intueatur; non tantum cum actu sacrificat, verum etiam, dum orat, cantat, legit, manducat, conversatur.

Praxis præparationis proxima
ad sacrificium Missæ.

I. Ante omnia sibi sacerdos persuadat, actum sacrificandi esse functionem eminentissimam, sanctissimam, divinissimam, ipsis angelicis Hierarchiis denegatam, ac proinde dignissimam, ad quam ceteris vel semel tantum in omni vita eundam, omnis labor, industria, conatus, studium corporis & animi per totam vitam impenderetur: atque ita Deo Obsequii habitatio prepararetur. Hæc autem præparatio proxima in tribus sita est: scilicet puritate conscientie, intentionis rectitudine & devotionis ardore.

II. Itaque conscientia immunis
I. à peccato lethali, ne sacerdos iudicet sibi manducet & bibat, instar Judæ: sed probet seipsum homo, ne sit reus corporis sanguinis Domini; ac si Christum occiderit

set, & effudisset ejus sanguinem, ut explicat S. Thomas à Villanova conc. 3 de Sacram. Altaris. II. Conscientia pura sit à peccatis venialibus præsertim voluntariis, & passionibus indomitis: exigat hoc Christus Dominus, qui est primarius offerens & ipsa puritas: eaque de causa Discipulorum pedes abluat, ut innueret, summam requiri munditiam, etiam à pedum seu affectuum pulveribus. Postulat hoc iure oblatio munda & hostia purissima, requirit denique Deus purissimus, cui offertur, ad mundandam Ecclesiam: ut Sacerdotes sint Colati & purgati quasi aurum & quasi argentum Domino offerant sacrificium in iustitia. Malachia c. 3.

III. Intentio pura sit & finis quadruplex hujus divinissimi Sacrificii, semper sit ante oculos. I. Gloria Dei II. Gratiarum actio pro beneficiis. III. Satisfactio pro peccatis. IV. Impetratio gratiarum. De quibus infra praxis prolixior.

IV. Requiritur denique actualis devotio & fervor sancta sanctè tractandi: de quo S. Bonaventura: Cum Sacerdos fuerit totus alteratus, & divinus effectus, ita

ut nihil nisi Deum videat, tunc accedat.
 Et S. Joannes Damascenus: Ardenti cupiditate ad eum accedamus, demissam operam, ut per divini ignis perceptionem toti inardescamus, Diuque efficiamus. Equum enim est, ut is qui sacrificium flagrantissimo infiniti amoris excessu institutum à Deo, qui ignis consumens immolaturus accedit, simili quoque devotionis igne inardescere studeat.

V. Hoc autem non obtinebitur nisi frequentibus orationibus & profundis meditationibus, quarum materiam Scripturæ divina, S. S. Patrum volumina, & ascetici abundè suppeditant, quorum defectum ea que subjunguntur supplere poterunt.

Petitio gratiæ.

Excita me indies, Domine, & reuoca me virore gratiæ tuæ; ut ad stupendum mysterium & cœleste sacrificium peragendum toties accedenti, nulla obstat vetustas, nulla ex consuetudine negligentia suboriat; sed semper ita magnam gratiam ita novum, jucundumque videatur.

myste
mum
aut in
halare
num

I G
AD

A

Es lig
fuis
evoca
cendi
vittin
contr

de pre
amor

nâ ad
nes n

quad
atten

tur,

spicia
mens

my

mysterium, ac si eodem die Christus primum in uterum Virginis descenderet, aut in cruce pro salute mundi animam exhalaret. Per eundem Christum Dominum nostrum. Amen.

IGNIS ET LIGNA AD VICTIMAM HOLOCAUSTI EUCCHARISTICI.

Adverte I. Quemadmodum Elias Propheta zelosissimus Holocaustum & ligna antè perfudit aquâ, ac deinde suis ferventibus precibus ignem è caelo evocavit, qui holocaustum & ligna succendit. 3. Reg. 18. Ita fervens Sacerdos victimam suam quodammodo doloris & contritionis lacrymis antè riget, ac deinde precibus, suspiriis, & meditationibus amoris & devotionis ignem gratiâ divinâ adjutus excitet. Eo sine considerationes nonnullas subnecto, tanquam ligna quadam, quasi vivâ fide apprehendantur, attentè ruminentur, atque ita expendantur, ut intellectus ea benè penetret ac perspiciat, ac luce Spiritus Sancti accedente mens inlustretur, & ejusdem sacro calore dispo-